

紫峴山人全集

曩者虔西先生以湘潭名士作宰南豐有政聲士林頌之距今五十餘年矣余家南豐幼隨先侍郎公宦遊二十餘年其後橐筆畿輔從戎西蜀作校官者又二十餘年而伏處里閭則前後不過五稔去先生已遠但聞先生之政教而未嘗讀先生之詩古文詞嘉慶壬申余在成都脩志先生之從孫小珣以尊甫霽巖公守潼川侍宦入蜀手先生詩集屬余與楊蓉裳戶部嚴麗生孝廉分任校字之役蓉裳序而歸之余始窺見一二冊而先生之全集猶未能盡讀也霽巖公卒於位小珣奉諱而歸余又補官邊圉音問遂梗道光乙酉余銓守寶慶小珣方出宰江西越二年小珣解組歸寓長沙時朱梅生觀察來游寶慶朱與霽巖公同譜小珣因寓書於余以先生文集八卷詩集二十二卷詩餘二卷屬余重校余乃得正襟危坐而盡讀之先生學閎才鉅筆健氣雄文宗唐人而以經

濟爲本賦爭兩漢而以夸誕爲末詩則上窺漢魏中轢唐宋太白之俊逸少陵之沈鬱長吉之哀豔昌黎東野之雄驚東坡放翁之縱橫先生兼而有之裨闔白如靈怪畢集每一篇出氣力精彩有勃露於筆墨之外者戛戛獨造絕不傍人門戶考核同異徵引原委皆可與志乘並傳蓋其根柢旣深故其光燄獨長也楊蓉裳戶部旣敷而序之吳玉松侍御又析而伸之余按全集先生足跡半天下酬酢俗吏之謙絕少而採風弔古激揚忠義節孝之作爲多所至與畸人傑士縱飲狂歌氣益豪宕吾南豐佔畢之士出先生門下如湯璧光孝廉輩先生且殷殷啓發之而於同時享盛名之鉅公姓名概不入卷獨鉛山蔣心餘先生所傳忠烈事必再三題詠之余婦翁新城陳繹堂先生捐濬豫章溝事先生文集詩集皆載之知先生之編詩非有關於善政偉業奇節獨行者皆棄置不

錄也又袁簡齋太史隨園詩話中載先生良鄉道中觀征西陣亡
將士骨殖詩推尊備至而先生集中絕無一字及袁又以知先生
手筆之大足以自樹一幟與古爲徒不屑與當時名流標榜亦不
必藉他人互見姓氏以傳也詩餘小技以先生爲之恢恢有餘矣
余幸得爲先生之部民今又承乏先生之隣郡且幸得交小珣而
盡讀先生之文與詩雖不能至心嚮往之於小珣之授梓也綴名
卷末抑又幸矣道光七年夏四月南豐部民譚光祐敬序

紫峴山人文集目錄

湘潭張九鉞度西著

姪孫家拭編次

卷一 賦

家拭謹案先生古賦尚有巖賦優曇花賦廬山瀑布賦報恩寺浮圖賦冰鞋戲賦晚香玉賦白丁香賦三
鈔賦輟懷關賦井車賦夢牡丹賦十一篇見先生手
出補刊其餘律賦見外集歷試偶存

燕山八景賦

太行秋雲賦

登天井關賦

嵩山漢大將軍柏賦

張翰思蓴鱸賦

紫峴山人文集卷首

湘江夜聞棹歌賦

卷二 雅頌

平回雅

南巡頌

原序失

卷三 騷

九憶

哀些篇

卷四 序

學庸條貫序

杜詩集說序

游衡嶽記序

琴城酬贈詩序

游鶴洲太守詠史詩序

擁鼻吟序

送阮見亭遊蜀序

耿湘門素舫齋詩集序

蔡芷衫詩集序

健松艸堂詩鈔序

秦雲湖詩集序

芳艸園詩集序

吳橡村閩粵詩集序

裴慎齋琴餘草序

漆曙橋游草序

卷五 序

劉氏家訓彙編序

六都張氏族譜序

桂陽周氏族譜序

前溪劉氏重脩族譜序

陳氏族譜序

家橘洲兄時文序

壽萱錄序

醫方纂要序

卷六 傳

按先生手鈔目錄尚有太倉龔貞吾傳假師王烈婦傳
傳假師東烈女傳永甯兩孝子傳洛陽劉節婦傳
存不

陳桃文先生傳

施溫卿傳

明按察司副使劉公傳

贈按察司僉事陵川令李公殉節傳

贈總兵烏蒙遊擊劉公傳

偃師任天篤九世同居傳

洋和尚傳

藥師院苦行僧傳

晉義賈傳

卷七 傳

滿洲蘇完兒外爾佳氏兩烈婦傳

順德節孝婦黃氏傳

節孝劉母朱孺人傳

偃師楊烈女傳

永甯八烈傳

偃師三孝子傳

鞏縣張烈婦傳

洛陽楊節婦傳

曾母張孺人傳

誥授中憲大夫河南糧鹽道荷池劉公家傳

劉君庸山傳

葛耀南家傳

卷八 記

乾溪洞記

按先生手鈔目錄尚有周南書院狄梁公祠記遊石淙記啓母石記代邑令勸脩文廟記皆不存

遊近翠浦記

遊銅瓦寺記

東鹿縣傾井村漢世祖廟遊記

東鹿縣新築護城堤記

靜鏡堂記

韓江樓記

得瓠軒記

遊楊厓巖記

南雷二將軍祠記

卷九 記

崇安寺六朝松記

陵川菊嶽山白龍祠記

瀝東書院謁 至聖像記

遊九龍臺記

偃師重脩二龍廟記

永甯訪脩薛文靖公墓紀事

武岡劉氏新建宗祠記

昭潭書院題名扁額小記

重脩楚山觀碑記

卷十 文 奏議 跋 書後

弔陸機文

慰僭文

官石巖禱雨文

潮州大水崇門文

先農壇禱雨文

奏爲恭請

特頒

聖諭令禮部嚴飭坊賈凡刊刻朱子周易本義必恪遵經傳十

二篇原本疏

代

論貴州形勢

重脩豫章溝議

似蘭說題朱礪東畫蘭

湘帆詩話跋

南皮湯文學夢遊記跋

書偃師志孝義志張煜後

書彰德太守盧介軒先生青蓮寺賞牡丹詩後

書澧州志後

庶下吟齋後

卷十一 碑銘墓誌銘神道碑

禹碑釋文考

重脩周大夫萇宏墓碑

重脩馬埠仁壽橋碑

重脩畢氏先塋饗堂碑

紅葉山莊斃酒器銘

南豐例贈登仕郎黃君斗園墓誌銘

南豐文學慎齋劉君墓誌銘

賜國子監典簿新建共山李先生墓誌銘

中憲大夫河南糧鹽道荷池劉公神道碑銘

卷十二 祭文 誄 贊 祖帳

重脩唐贈諫議大夫燕欽融墓祭告文

代揆方伯祭戴西園文

公祭總漕楊清江尙書文

祭洛陽張明府文

王雁亭太守誄

固始吳雲亭觀察誄

彭澤司訓峽江邊秀峯畫像贊

李綱菴邑令榮調宜章祖帳

紫峴山人文集卷一

湘潭張九鉞度西著

姪孫 家拭 重刊

賦

燕山八景賦

此余乾隆癸亥四月成均應鶴少司成月課之作先生亟加賞歎當時都下傳寫殆遍罷

京兆試南歸底稿散佚不復記憶姪孫家拭以孝廉補中書舍人於紀曉嵐先生處得此稿歸省靈寶攜至大梁付劖刻氏寄余少年所作不無摹倣之習原不應存念姪孫好學之誠不忍負乃藏諸笥以示後人按北平舊志載金明昌遺事有燕京八景所謂居庸疊翠玉泉垂虹太液秋風瓊島春陰前門飛雨西山積雪盧溝曉月金臺夕照是也明永樂間館閣諸公相集唱和更動門飛雨為蕪門煙樹入景圖詩序瓊島春陰作瓊島春雲太液秋風作太液晴波余賦因之乾隆辛未御製八景圖詩復改玉泉垂虹為玉泉趵突紀其實且表為天下第一泉見天下舊聞考

羈愁客卿居於長安之里懸車束馬帶索披裘滅刺盈懷索米逗遛尊鱸遠背書犬沉浮甌臚塵封城有蒿茅惘然若醒惘然若惘

彫劫宏澄迺叢百憂逍遙主人聞而造焉因說之曰僕聞芥舟之
身不可以觀天地之大螭翼之知不可以語萬物之夥何者境隘
則罷神擊則靡氣蟻則智訕見少則機止吾子處堀堞之中識不
越蹄泔營不過濕沫雉樊而魚糝廬閉而羸穴左據養和右振槁
木肉緩筋驚四體不埜此所謂避懸解而入乎疏屬也且夫耳聰
目明號曰開心之戶牖深溪甘泉號曰澡性之冰雪高山大谷號
曰蕩胸之波濤朝霞夕煙號曰融情之膏液搜奇洞冥號曰騁神
之風馬弔古證今號曰銷愁之薏蘗故曰胞有重閭心有天遊心
無天遊六鑿相攘僕將語子以神京之壯渺陵壑之麗閎奮思矯
之羽翼暢超然之高情進子以特達引子以光明吾子不願聞之
乎客卿曰善病少間請濯耳以聆先生之詞

主人曰京都之南眾流滙其郊表以洪河名曰盧溝盧溝之河來

自雲中轡天池鏈渾源下雁門之坂破乎太行之山轢穹石標浮
瀨截坻壑沸陬阨怒流無定千里一瀉奔揚迅復至於盧溝之橋
汨汕礧錯混漭澎湃旋渦喧逐流沙激冽捎鱗鳶攢鵠鳬批淵客
抗天吳白晝爲黃天與地俱乃駕飛梁通九壑浮柱輪困碭石崔
巍眴轉倏筵直嶢交依下根渺茫上抗颺颺敝裂地垠支撐天界
渴虹怒飲於螭穴日月回帶於鯨背聳西南之門戶十五省之出
入羸綱駝裝駢坐馭駝貨車連山挂轡摩輶聲若雷霆驥駟訇磕
回颿馳駭羣波嘯立曳灝氣之茫茫足震盪而心懣於時秋城謝
夕旭日未起疏星樂樂曉月在水斜乎汪洋之中迷乎瀕洞之所
蹇微茫而未安澹參差而欲下隱現兮蒼龍浮沉兮雁齒徘徊兮
鯨楯戲弄兮虬首一蕩一漾夢飛魂悅倏滅倏明不可爲象陽迎
開閭陰閉悽愴殘煙欲化餘花捲浪瓜蔓叵分鱗錦動宕鮫室貝

浮組帳練曠馮夷剖蚌明珠迅吐摩鏡重淵推輪深藪燈影稀微
樹色朗蒼角聲千里蒼然向曙於是乎南轅北轍之徒臨長波俛
危欄望天涯驚曉寒車逶遲兮初起馬蹀躞兮未前風蕭蕭兮雲
漫漫嚴霜華兮戍旗幡宿鳥翔兮荒雞闌沙雁噉噉兮木葉丹此
天下之蕭景也子能從我遊之乎客卿曰僕病未能也

主人曰將與子駕茱萸之車策果下之馬左秋水之佩劔右紫龍
之玉塵以造乎黃金之臺遠眺渤海近矚郊圻平原廣場雜繡交
畦徜徉兮其樂只且迺有中黃獲育之徒援臂鶚眊之士聊浪
莫垺騰躍中野袒裼擻手揮援踳踳竦勇捷捍波旋霆舞微欲受
訕肅敬莫怒打格澤脩竿表莖天達凝質似忍聳身若飛龍盤宛
延花落霏微曉月如下朝雲遲歸絲巨槿郅偈其立如山綴以鈴
絲以彩幡直鼓承蜩變赴轉環面不撞挽肩不斜騫委命以試

勇炫空而取妍牽絲緬樹朱揮振子枝拘萬童踟跂爭投隕絕
各出巧奇捷追獐獮剽逾豹螭舞蹠生馬以鬱怒駭鉦鼓以迅奔
轉臂著腹湧軀就鞍雷糅森擊雲迴雪開朝射日出暮蹴崑崙馬舞
亦有京洛少年幽并俠豪錦衫繡帽花韜珠袍珊瑚裝鞭流蘇綬
鑣走馬垂楊鳴弓蒼郊翻身射雲俛手接雕射臂驍脫鷹蕩塵絕
埃金鈴排冥鐵翅怒催擊鵠逐生搏霞裂霓蒼天一呼茫茫下來
放放柘彈磧磔圓規隋珠剗膺洞嗟中必雙俱機聲未已野錦墮興
彈彈鬬雞擊場走狗楸城奮氣河決布籌風生懸采百萬談笑一傾
雞雞駢馬攢蹄珠毬迸飛應杖霹靂逐旗毡毳野沓塵散山沸海馳
於於是餐玉田之禾醕中山之酒膾滌河之鯽臍塞北之麋截騄
駉之戴鵝駝峯之脯佐以綿梨金桃沃以醍醐馬乳大獸如雪小
咀如縷歡洽未餘仄日西駸羣山激射萬木蕭散樓臺空明甃甌

汗漫欲落未騁婀娜荒基之半牛羊戢濕鴉行唼呷置輪寶鐙高
低纖颯雲滅煙散歸乎城邑意恟怳足踈循懷往哲思美人使伯
牙操縵八公爲之歌歌曰朔風兮蓬飛邊沙兮日微金臺墟兮碣
石摧昭王霸圖安在哉又歌曰帶薜荔兮衣菱荷逶遲不來兮山
之阿黃金璘瑞兮贈予以斧柯白日荒荒兮將若之何此寥朗之
景也子能從我遊之乎客卿曰僕病未能也

主人曰彌彌薊門東走涿郡廣陽南馳益津督亢衍以壇曼大野
緣以陂陀高陵其陵多生楓欒梧楸桑柘枰櫨棠楊之木其木則
擊擊千尋蔭垂百畝古榦要紹長條夜飢連卷間柯合抱叢倚扶
肱接尻摩跼累跼嬋媛宏璉總擗欒危低林對峙平楚森茂魚頡
鳥跂栢攢櫨礪連從輻輳蹙鬬排舐杲耀候悶塹壘柴虎被岡緣
坂馳邱漫壘放乎塊北與天伏起杖盾負羽從陣楚部行負株遠

碎繡分縷淫淫與與猗猗襲襲若滅若絕上下引猗於是乎召公
昭王之遺魄樂毅蔡澤之奇思鄒衍郭隗之精神仲舒壽王之文
采燕丹田光之幽憤荆軻漸離之豪氣縈旋碧落提挈下泉溷溷
淵淵盤鬱汗漫離縱飄蕩而爲煙起於遠山之杪娥嫋嫋嫋藐藐
容裔隨風而上盛於青天之腹招微雲擢宿霧挾淺嵐混野馬散
乎舊城之林冒螺梳之阜帶蝶裙之邱迷文吝之頽闌染辛夷之
荒樓束芙蓉之苑牆靡梨花之酒筍徘徊密叢之中被麗葭葉之
上縹緲縹縹蒙細綃縹縹帶縹縹縹縹背縹縹縹縹斷雁行點鶯翻
縹縹紆餘連鸞弭迤吞吐濃澹往來離披春則獵細草綿落英浮
積雨抽新晴滴虛綠巨橫青氤氲孤館菴靄高城夏則宿露沾潤
盛陽茂煦翠微鬱律升降飄舉秋則濯青霜帶沆瀣點染丹紅刷
抹黃紫舞裊落霞縹緲孤鶩冬則衣疏枝膏枯木縹紛參絜輯補

乎青山之缺送斜陽迎素月西拖太行南飛瀛海東曳析津北噓
紫塞極睇所未殫遐眺所未逮其延引圖畫歎歎元氣鴻洞深秀
肝噴太古者蓋數百餘里濛濛霏霏此天下之奇景也子能從我
遊之乎客卿曰僕病未能也

主人曰北出幽州之郊繩直砥平博大爽塏盡乎居庸首冠九塞
占宅乾寶排幹箕尾擁屏藩閭內外拱帝都固王氣其東跨躡長
城揜喜峯古北之口黃花馬蘭戢善騰濤室寥隱嶙峋窳碗壘二
百餘關揜臂接肱抗首銜尾入乎東海紫荊倒馬聯亘西嶺偏頭
枕崎雁門闢臣海鵬褭囑天馬脫轍萬古雕窠翁不見日月北直
沙漠背龍安撫大關鄣坂山全道雪開八達糾攢澗河湯湯流入
桑乾其南則積粟軍都分脊太行龍飛鳳舞虎豹騰驤簇仗北門
以作金墉雲詭波屬屏疊錦張低勘笑奧閑濶堂皇髻鬢堆積脩

層軒昂稜角，磔露脈縷碎。數老木陰樹，乘山之陽橫。悟偃蹇角，倚
振抗冬結。朱實春生翠，莖其中有野馬。跳兔獬狝，犴犴犴牛羴羊。
馱牟獬狝，鸞鵲聳鵬鵠。斜翮鍛羽重，林瘵疲下顛。迺蒸太始之
風，抽洪濛之煙。曉霧爲衣，綠雨爲痕。簸碧天之融液，颺紫氣之宛
延。陽鳥回車，娥阿阻輓。出入黠黠，假道遮連。朔風啤嗒，吹自燕然。
碣松破桂，紆鬱嬖嫫。不可洞透，蹒跚而還。表以龍虎之臺，駁駁凌
兢蹇產。獨歸雄虹，直亘孤畝。絕麗若浮海，以望碣石。黝糾中怒，礫
危蒙龍。又似砥柱，流以大峽。名曰彈琴，巨石磊砢。紅泉涌噴，藁離
薜荔。萋萋蘼蘼，蘋蘩芬菲。楓杙案行，聯延急瀝。砰擊峭壁，埋寒蒼翠。錯
磨飛凝，中天散於眾壑。窈冥綿芊，視若無迹。或東或西，點染萬狀。
不可究陳，縱縱莘莘。扶將此關，於是此關。乃鴛鴦抗，崢嶸構重。
門削峻嶮，磊并幹。規麗譙，上墾礪礪。下削顛，錡箕踵漫衍。胸鼎端

尉旌旆弼張劍戟畏虜則有棄繻之將軍獨酌之馬周橫龍雀之
刀飄珊瑚之鈎馳卒卒臨騷騷踏落雕俯飛驚長嘯四顧風湧而
雲起氣鄧琅勢環瑋牢皋營并包括山海遼乎渺乎三千里此天
下之至壯也子能從我遊之乎客卿曰僕病未能也

主人曰太行之山橫亘天下散爲八陁陰負九邊陽瞰岱青入趙
三千餘里昂然而上征綿爲西山實翼作京輔以盤龍徐無黍谷
之山界以桑乾巨馬黃花之川內則包盧師五華潭柘以爲固外
則阻龍潭西湖高梁以爲門藏吐列宿霄霓鴻氛騰踏心胷驚馳
元精茫茫沉沉夜隱晝昏至於窮冬扞抱積雪寒門凝洄關塞鳥
戩香山霞堆玉泉冰縹石景塏平翠微稜沒密脾隱閔崖曜晦閉
行僧逕斷飛鳥影滅尋之無垠察之無邊瀕洞天地表延冬春雪
霽日出登飛樓以望之未見山之形也徒觀其芒芟荒荒浹浹况

悅適乎鰾兮。湫乎瑱兮。揚兮。倣盪盪兮。窈兮。冥兮。晃漭漭兮。
搖兮。閃兮。遙失象兮。動兮。溶兮。忽區翔兮。蒼空兮。形滅白日兮。神
歸少昊。揚旌兮。佇無所依。騰六回馭兮。不知所之。少焉。寒風緊凍。
雲削晴煙。凜遙空落。環句橫裂。雙褶交錯。迴陂陀。刷露灼。燦華
凝中野。素積萬壑。其突兀而爭出也。洵乎若秋潮白馬之來。其飄
渺而聳峙也。昂乎若洞庭鼉城破浪之摧巍。其翹然直上也。晶乎
如燭龍銜珠耀冰臺。其昭曠而難度也。迢乎如冰天瓊闕璇島之
張開。夸娥肅然朝天帝闕兮。擁玉笏而來。遼遼驂白鳳而騎素虬
兮。炫丹城而搖珍池。銀燭銜其熒爛兮。瑤珂亂其班離。詭錦屏爲
雕兮。呵風日使畫圖。簪結搆効瑰奇。遶凌兢窮澈。搜斂姦回。趨平
夷。屈都盧迷離朱。悸關全慚王維。出乎國西門。羣峯孱顏攢倚。夕
陽盡落馬首。浩浩冥冥。俛仰隱儀。不可殫形。久而視之。奪人魄精。

此亦天下詭譎雄邁之景也。予能從我遊之乎？客卿曰：僕病未能也。

主人曰：請以秋雨新霽觀泉於玉泉之山。逶迤金堤，魚銜蟻緣，先至西湖，捲花萬頃，流沫十里。獼猴之所睽睨，鱸鮓之所竄賊，鷗鴟之所灑澹，蚌蛭之所讐從，蠟齧乎桺楊，滌洄乎荇芷，被離乎菱芡。呀呬乎蒲蟹，特其餘力之所到耳。路盡源窮，地與天殫，迺見長虹飛垂乎青山，其始也拔軸太和，挾閭五華，蓄粘歆簾，回翔飭衍，似應小雪，沉藏淵蟠，再突乎功德之寺，砒崖軫分，迸裂萬縷，糅日車，挹機弩，擺雷碾，礮硤虎，趙趙龍衙，衙經營鎮樞，流攬天母，膠戾盤盪，東以赤嶠之口，然後啣吻中噴，髮鬚張微，奮勇破阻，迫勢就險，喜空駕曠，鬪武出窻，太白純馳，素蜺載驥，嬰弗啓塗，迅不可當。陽侯前驅，溪僮後從，密汨沸暴，迅沛激昂，直往駛赴，竭渴怒爭，淋

淋似飲江連綿傳瘞蛇支撐宛轉回帶排鼻相抗穹穹似驚梁
錯明璣散玉璫織紅絲飛蟻墜滂滂漚漚耀彩似吐金破石錦衝
雲屏落晶簾懸月障濕濕瀼瀼似貫乎太陽削芝崎凌桂岡穿噴
灑收瀉瀉表表亭亭似截乎雨傍初日發曙層崖蕩漾流離紛曳
鼎沸遠颺似降西方黝糾縱橫翻射夕陽斜拂長帔倒挂曲瓊有
似在東拔倚鯨牙屈注天漿吹滂星海屈注銀潢不斷輕煙不銷
長風齊入乎鬼汨出乎神濯灑氣之瀉激流坎壈之精英颯沓章
宗之址殷麟芙蓉之宮下乎青龍橋滌洄深潭分霄委黛滂沛乎
禁籞繚牆之外使觀者疲行旆倒接離穿羅靡緣屢屢坐青松藉
白沙濯朱纓傾縹緲茹苦薺汲軍持凝思朗咏竟晝而亡歸駘焉
盪焉又徇悅焉子能從我遊之乎客卿曰僕病未能也

主人曰瓊華之島今名白塔之寺其山高百丈以無根蕩滄海之

茫茫落長風於

禁園倒影太液之池卹然足以駭人也崑崙直峭蒙籠混成曠乎其失垠也詭譎麗巧豐博宏敞眇乎其絕隣也其上則金宮銀闕珊瑚玉樹之所虧蔽其下則洪濤巨浪煙霞日夕之所撞旋遠則景山清虛峙坤艮焉近則承光古栢分嶙峋焉蕉園崇智護挹于其西紫光五龍拱揖於其東於時春日熙熙乍雨乍晴山林瀕洞融液茂騰表裏通透無風自蒸遙望神闕肅何厪屢不見其端虛有雲氣一東一西倏落倏離須臾之間變化無倪搖振佛教發揚皇圖提挈百族搏挽九維斯時雖蠓飛螟動跂行喙息之倫猶將流動發暢于鴻鈞之間也況其在飲和食德仰眺而俯息者哉客卿曰美哉泐矣其氣若何請先生狀之主人曰或如文狸或如朱虎或如華豹或如玉馬或如健鶻或如倦鷺或如驚睡或如遊魚

或戔戔如元圭或裊裊如紫紵或亭亭如金莖或斐斐如玉柯或
縣縣如素束或溶溶如綃拖或如長城連陂陀或如三山出海波
或如蛟蜃噓樓臺或如赤城起朝霞或如龍神八部偕驪鱗甲鬚
鬚之而奮揚或如仙人各驂駢車雲錦之裳五銖之衣或如天女
持花珊瑚殿出入不語風鬟流盼或如脩羅鉢戲水晶曳捎風旗掉
弄雨兵或如早朝闐闐洞啓玉笄紘紉師師濟濟或如陳行招搖
爲旌虹旃爛明蜺旌翹英或如長楊列校駢部罕集矢攢馬踠士
怒或如昆明張軍水嬉鳧鷖噴魚蝦散靡或如壯士虎頭猿臂
擊毬揮霍拔劍裂眦或如舞姬應舞柘枝華袿紛拏飛髻離披斂
兮若寒舒兮若曙幪乎若思溫乎若喜奔兮若爲風遲兮若爲雨
法螺忽撞梵唄齊舉鐘鼓砰匄下振龍府驚薄巖阿飛揚窗戶雕
欄渺渺雲無定所客卿雍乎有喜色曰遯乎渺乎僕聞此語飄飄

其欲仙矣。

主人曰未也請與子觀太液之池西山穹窿邈乎其無儔穿滲銀河穴通海潮羣山出雲呼吸五百里日夜不收天雨畢集萬壑下流玉泉甕山高梁歆涌而交市劃蒼莽之中野象白虹之委積波滄溟以騰折沫碣突而高厲逼淨業之叢湖爭西海之北闡滂瀆瀆其不止澎瀾潏其并入然後泌澗激洌盤環紆餘濇平安翔滄乎委蛇灑灑潏潏偃側悠懷衍溢禁園滄滄大砥湧爲瑤華之山輪旋重嶽確投洞竊伏犀吐浪怒視鬬瀨穿穴寧竒鏗鎔碎礧徘徊乎蕉園夾金黿漾玉螭潏爲中海室脩輯麟與隄控縱壇曼汎瀾潏汎困淵遊延陸離激灑潏漣回復乎瀛臺之南滄海爲潏洞庭爲紋朝湧乎蓬萊夕駕乎神山出入日月舒斂冬春層潭靈府含英擢異鬱律葳蕤神胎胚散爲霖雨頃刻萬里膏腴民物長

養天下鑣宮別殿閣道漸臺驥獻天之飛簷張排風之勢檐激反
景之舳稜湧織月之杲恩纏若星綴戟若山垂繚以紅牆周于其
涯千門萬闕向背反復珠簾璧璫洪紛纒屬倒影靈靈飛醺膏沐
錯磨金碧辦華下削與波遠近棍睨綿邈繡錯綺綰詭狀儵儵其
涯則松栢檜楓杪羅連園榆柳婀娜竹杏脩便遶栢金槐拏攬櫬
卷頻婆蒲陶玉枕文果珊瑚綴花隋珠連顆翻水的礫夾岸垂朵
其中有蒲蔣荊華爲蕓蓐莎萑茭蓼隱藏漁家芙蓉百子披緣
朱華雪藕如船累輯白沙鸚鵡鴻鸕鵀鵲鴛鴦鴛鴦鵲鵲鵲鵲
馱浮沉唼呷聚散參差濯浴明媚搖閃錫阿殊方異類鱗萃瑰璋
祖洲所未包益高所未記莫不奔走娛樂効奇於靈囿於是
天子乃以萬幾餘閒休息於此出掖門亭水衛戒鉤盾肅含利癆
龍舟張鳳蓋樹氛旄撻芝旒撻金鼓揚浮吹揆彩舸飄珠袂曳蜺

帆掣霞樅破煙燈踏風瀨捎韎鞬搖瑤琤靡崇蘭攬芳離穢紫光
穿臨漪瞰廣寒背牆禧憩五龍拂玉熙續鯨楯巡虹堤龜螭盪蜃
蜺移黃龍挾天吳趨馮夷招江神隨聲營越彩澹浮水調發棹女
歌千艘引萬人和黼帷颺迴塘波蠖略延遙旂旄駢羅徐至於瀛
臺望山川之澄瀟羣動之蛺蜩風日清美俯仰極樂

命獻師傅中官胄綵綸擢文竿餌落花掣錦鱗碧蘅貼紫菱翻喚
蓼宰倩庖人飛鸞刀拂雕盤縷細雪融輕饌迺置酒

內殿以宴羣臣布長筵張寶轡帶疏華倚錦石藉沙厨鋪蕙席籠
蟻衣周陵鳥嘯新鶯戲舞鵬劍佩分芾玳錯瑯簫振仙管作麟脯
璧鸞臙沃靡粳粳瓊羞煢桂醑衍椒漿絡羅罪罪翼縣縣冲融融
朗合山中池而四望珠貝光汎風括雲旋爛然陽出朗然陰聯西
山倒影狀彙萬千泱泱動盪拱擁數百里聞於是使司馬相如枚

皋嚴助東方吾邱之倫採靈臺之遺文規魚藻之美義參於舊典
證於掌故騁潤色之妍詞抽豐博之奇思嘯歌乎太平揄揚乎斯
世語未竟客卿撫髀大懼矍然而起曰僕僻處偏域又病於旅不
知

帝居之壯麗與夫

天子之仁澤今聞先生之言震耳飫目雖研都鍊京歌虞頌魯何
以加茲願解初服簪珥筆隨子乎承明之末流

太行秋雲賦

楚國客卿觀雲於太行之巔歸過梁園蛇其主人主人曰雲狀何
也客卿曰廣矣大矣諸美備矣富矣赫矣譎且詭矣主人曰子實
楚人善言乎雲請爲賦之昭以所聞客卿曰太行黨天九州之脊
連亘坤輿包羅朔宅到海五千餘里首尾一石石起萬峯肩背肘

脅條爲脈，縷歟爲漑液。一石一雲，一雲一色，遼乎紹乎，莫可究極。一西一東，一橫一縱，不雨不晴，朝昏隨風，四時之閒，變化無窮。迺以仲秋之月，涼雨霽，塵壒收，金風洗沆瀣，流登乎陵子之城而望焉。其初起也，靄乎若錦江微波，蕩羅綺以搖香；其少進也，靄乎若瑤臺仙人絳衣繡帶之飄颻；其徐布也，浩乎若帝車初出，金羈翠珥，委蛇肅習以成行；其大集也，靄乎若大將校閱，旐旗戈戟左偏右伍之齊驪于不聞乎女媧氏之鍊石補天乎。是其窟也，乃在高都之巖崖，隨依稀石焰猶存，爾其圓五行之渾淪爲中堅，糅天池之神漿爲外轅，祝融鼓鞀，雷公擊橐，五色之華紛紛郁郁，非煙非霧，散乎萬谷，聚爲雲族。其下金玉銀鏐鉛鏈空青紫石之英，左思之言，潤黷管子之言，見榮大地之文，沈埋障塵，鬱勃彭亨，無所發泄，上通乎天氣，以蒸騰。於是峻巒低阜，重陳疊岨，各啓其房，各獻

其嫵似隔封疆似中律呂容容裔裔蜿蜒衙衙絡繹向背參差陬
互悅而相加讓而不距前者連蹙後者趨赴澹者夷猶濃者翔舞
山澤經營陰陽藻斧以列乎晶瑩寥次之宇少焉羲和催馭屏翳
權迎扶掖火輪激射天鏡中邊俱徹表裏交映葵葩烘以離披虹
采綠以裝靚燭龍銜珠於鬢鬢儀鳳吐苞於澄靜石家五十里之
步障織女三百匹之緯經凌霄刻畫匝壑包孕或如蓬萊倒插海
波瑤樓無梯浮空蓮花或如桃源窪然一口廬舍桑麻嬉走老幼
或如鼉城橫湧洞庭金堂貝闕蛟蜺樹旌或如高唐神女乍出桂
旗采旄望不可卽或如華掌鐵索懸絙松栢蟠之聲落冰磴或如
羅浮粉蝶如輪萬仙晒衣麻姑舒袂或如建章千門萬戶并幹駁
娑竄窳棟柱或如漢庭曼延陳戲熊虎陸離白象舍利或如昆明
水嬉陣罷娟女蜚織棹歌上下或如武彝九曲林灣窈然而入悵

然而還頰色晚顏態未殫形徙倚流照駭人魄精是時澤潞遶沁
四州行雨之白龍見乎雲中歲示民以成功穿赤堊耀素霞東出
爪西露鱗天矯婉孌綺施輪囷自午至晡光景不散恣其卷舒幻
彼爛熳城郭冠冕艸木繒纈金背閃鴉丹翎飾雁村民忭禱官僚
讚歎迨夫日入風旋解隊還迤歸乎析城化乎丹水迎天壇之月
抱爲霞綺猶搖曳於蒼穹而未已彼夫澤之雲濕而不鮮海之雲
怪而不妍野之雲漫而莫紀其端峰腰之雲圍而未升其全畫中
之雲匾而未覩其圓惟超氛埃處標巔隲泰初振羽翰其垂也可
捫其秀也可餐仰我九千八百仞之上與雲將相踟躕該其勢之
博厚玩其情之邈饒盪胸挾臆娛心樂志晞身九陽別狀分彙故
足異也豈如韓布趙牛魯馬衛犬秦人魏鼠之名得其髣髴疏夫
審諦者哉主人屹然喜躍然快曰覈矣麗矣成公綏之賦其義未

備咀嚼香辭塵海雲氣裹樹緝肺請從遊事

登天井關賦

夫何太行之蜿蜒一石橫亘五千里而嶙峋渡大河以駭望猛若搏空之黑雲長風下掃夫懷州若崑崙懸圃浮嶢以無垠愁愚公與雜然叩石懇壤而踐循帝命夸娥以中斷庠然隙夫三晉之門曰八陁其大口將出乎井以登天初仰椀子之城穹然已足搜也虎口呀呀啞人動也若鐘開弁又懸甕也蟻穿垤兮蠶抽蛹也往來若敵軍浩呼洶也鼠鬪夫穴勝者勇也於是躋乎羊腸之坂焉羣峯外刺層磴內縈蚴蟉窅窅詰曲嶒岵飛瀑衝齧崩樹輾輾斷而復續直而仍橫曳帝弓之虹積元冥之冰和天闕之椽藥頗鬼神而下傾都盧無所施其輕趨法甕無所誇其趨騰手捫一十八盤昂然而上征獅象擎攬介冑凌兢一曲一變一勢一驚螺旋探

攀縷髮急爭徐至於橫望之隘摩胸刺骨焦煙瘡痍出寸者踵入
分者指似踏朽兀鬼窟在底足躡後頂首摩前履襲賜互戒齒齟
相砥腰腎剛勇以輪囷心膽挾怒而譎詭人聲繚紹於木杪鈴鐸
懔懔於夢裏負河洛與嵩邙凜乎不敢回視夫迺嬰姍兮澶漫兮
殫兮艱兮盡五十里八千仞中原之闌跨天下大脊而造乎天井
之關其關也尻風陵靡昂車背雁門射飛狐腋句注窮黃榆三河
旋趾其下二華抵掌其隅包王屋以環城陸中條而作籬白洋嵌
壁以驅泉沁水灑穴而犇池譙檣矗乎黃圍之柱藺石布乎析城
之陴弄澤州若彈丸嗤隧道爲兒嬉其頂鏡平崇墉礪基嶮嶭戈
矛森羅旗旗雷霆拗其闔雲霞展其扉間闔依以洋洋背參探而
摘之可以張萬幕屯六師樹河東之藩蔽阻上黨之推埋喘定息
休立荒井之隕而望焉跨躡汾潞憑陵懷衛窪稜邢磁黑白荆豫

睥睨秦隴呼吸朔代雄颺起乎沈寥鼓山海以騰蹶袖金天之沆
泓揖鴻濛與雲將迷晴雨於昏朝積氣混成爲元黃踏大鵬之翼
鷹隼紛猱而醜翔湖夫重耳於以啓南陽齊光於以窺霸晉應侯
決口以經營秦塲潛出而坑陣光武超之下赤眉高懼由之收鄴
郡抱眞得以守耕屯安史不敢踰尺寸李嗣昭鑄鐘鳴其嶺宋藝
祖負石開其峻凡夫伐兆擠響之謀擣虛批亢之策絕阡隄斥之
雄摧堅衝突之傑蟻附肉薄者愚刊木堙井者惑攻之則挫塹之
則頌據之則強失之則踣一夫當關暗鳴叱咤收山外之糗糧厲
蓋州之鑄冶斬丹谷之縋緋蟠雲中之鐵馬杜九塞之咽喉阻八
紘之微間提綱力振建瓴勢瀾豈徒壯聲援界方夏蓋守逸待勞
以一面而坐制乎天下然而長城平大砦頽陽壁荒濬洳夷趙魏
所扶擊梁晉所躓踞訪逮焉而莫知荆棘表延行潦跣踣竄豹奔

狼跳狐嘯狸寒鴉對語驚蓬自飛於是慨然而興躍然而歎曰昔武王欲宮五行之山周公曰在德不在險韙哉斯言我

大清仁覆義濶百有餘年今且郭月朏廬祁連梁繩橋衢雪山禹亥所未步戊己所未官莫不賦田受粟疆之以周索戎索之間何有於隅隈卷石區區覆孟之安若夫効義薦紳繼家任子分卓程之雄黃好行德於鄉里伐嶺石以發磴窵昆蹄而鑿齒賦苦寒行車輪摧者誰氏蓋自陘口越高平縣縣延延者幾八俱廬有光於前史洋洋乎絡繹亭障參差壘社羽檄安詳傳詣閑暇騁綱駢坐駝載相亞兜盤帷筍弼張乎其中行勝重蘭戢書乎其罇渴者得漿倦者得舍富氓豪賈猗氏之商絳鞬貂褕弓韞矢房青帘招邀貽目炫粧山鳥嘔啞巖花吐香與夫側耕危穫之眾私縱獻研之良烝徒石炭之魁山果擔負之筐履砥矢游康莊眺瑤瑤之春青

穿離離之秋黃林無伏莽之警戶無烽燧之興於是尹鐸郭伋
心保障之臣繕斥堠勤疆劉楨刁斗慎于挾密甌脫懲冰遊塵蝟
結之故崖巡蠻觸之荒邱孟門之扼乾河之陬石會之礪永和五
度之溝接遼控儀翼乎綢繆壯天地中堅鎖鑰乎神州將陋表裏
之誇易雄定之羞卑鄙閣之頌狹籌邊之樓使茲山與
皇興長輦億萬禩夫烏足抗懷乎關之幾閱王侯歌曰
昔我

宣聖臨河還兮水衍風波歌且歎兮晉民思之廟於關兮鑿爲轍
迹曰車攔兮肅謁几筵整裾冠兮我生憂患食于艱兮陟彼崔嵬
無戚顏兮猛虎戒步勞則安兮載歌
帝德平嶺岼兮險何足云力加餐兮

嵩山漢大將軍柏賦

漢柏今止存二株聞第三株焚於野
燒焦幹猶子立風霜中爲邑令連根

攫之去封柏堆以識之後移於嵩陽書院

嘗藻豐碑照耀雲日貢柏萬古之遭逢也予遊其下作賦
詠之并及柏堆事冀守土
賢吏加意培護爾古物云

嶽靈含噉兮山鬼疑雨天垂穹廬兮雲出入其戶鞭雷管霆兮不
知處所濺嘒穆纒兮誰樹蕭華蓋之下嚴兮翼詭兮譎漢大將軍
者柏揖大將軍者客驅茵截而腹彭亨兮夫何華采之旖旎婉孌
也蛟皮虬甲之剝脫兮又何肉腩膩以白琥蒼璧也鬚髯夫鬚鬣
豹髮兮又鶴膝鷹筋之絡繹鸞翔鳳翥眺以怡兮忽怪螭奔蛇爽
予魄大既槎枒上礙羲輪兮次亦聳擢對掩乎纖阿紐枝轉葉不
離附兮或突怒倒撞以婆娑連蜷偃蹇不刻畫兮或百孔眾竅之
竄竄坐其豁可布觴席兮或掃其隙欲金帚而玉把非煙非霧不
我卽兮又埒材角妙悅客之摩挲帝使蒼龍耕白雲兮根汝於瓊
圃瑤田左拂啓母之雙闕兮右覆三花之佛壇石蟠一膽以軸地

兮柱撐二室以通天。嘯吸八氣之豐豐。隆隆兮。浸灌眾川之汨汨。
淵淵。殿同象。魘魘之潛遁兮。笑商彝周鼎之淪湮。問鶉居。綴食之
壽民兮。吾安得夫廣成與偓佺。彼登嵩封而聽山呼兮。雄心率律
其飛揚。錫名等秦松兮。轡三塗而震驚。豈長平冠軍之凋謝兮。思
猛士兮。守四方。凡石墮而裊苔階兮。濛濛浮黛之飄飖。微風彌張
其武帳兮。若竭弓白羽出乎囊。羈鳥旗七旂搖鶉火兮。陰枝寒而
陽枝燠。鐘笙鼓磬合兮。瑟兮。又振以饒而峻以角。戛珊瑚琅玕之
鐔鎗兮。儼朱轂。瑟珩之隨逐。羌賓虞帝祔祀之山兮。效和衷而習
禮樂。考東堆而咨嗟兮。足徙倚而心鬱憤。久避風災地火兮。胡獨
炮野燒之熾燁。豈造物之篤材兮。傾者覆而栽者存。抑恣睢很倖
以招尤兮。懜不戒而被虔。蟲黑螭而鬪雄虹兮。骨雖燼而魂魄毅。
苟九河之水湔洗兮。尙萌芽之可冀。彼處寥漠之野兮。疇蘭茝膏。

煎之蹈忌何貪夫罄取兮戕古物而不悔蒼茫搔首而四顧兮撫
二柏而謂之幸托

聖人廣大博厚之宇兮雨露仁而霜雪慈憐靈木之超羣拔萃兮
順天道使蕃滋駐星罕而蔭華芝兮灑

鳳藻而鐫龍文繚椒牆而弗珍館兮發花甄而環雕軒澤詩書而
芬絃誦兮如解甲而聽橋門列采礪黼黻之陸離兮雜緋桃紫杏
之冶英駸廐駭鹿不得入兮語迦陵而宿雛鳩丹心鬱律其中奮
兮亘鴻英而貫泰乙葆敦龐剛直之性兮守黑守雌爲貞吉苟黃
鐘長蘂鏞兮彼刳輪焉敢札觴浮邱而酌王喬兮迎玉女而禮少
姨曰呵護守禁兮汝主治者之職司更歷陽九龍漢之厄兮吾又
安量其歲紀之所之

張翰思

丁未秋
歸洛下思
歸作此賦以見意

昔吾家之季子信江東之獨步史傳推純孝之稱朝俊遜蕭閒之
趣負材名而避網羅辟曹掾而深憂懼江湖恬退清風猶標高士
之祠畊釣栖遲妙旨不讓歸田之賦當夫銅駝興歎金鏡愁傾構
闕伯實沈之卻駭連雞鬪螳之兵非缺穆生之醴將殘婁護之鮪
荒唐身後之名已先庾袞放浪杯中之酒聊語顧榮所以寄適情
于鱸膾而引逸興於蓴羹也彼其欣然自得邈矣長思人生適意
富貴何爲值千金沿流之產正四顯登市之時歸去來兮入蟹舍
魚莊之夢問誰作者戀伊魴洛鯉之卑欲離北客珍曹任誇羊酪
聊逐南朝名士且食蛤蜊想夫松陵晉浦長泖漁磯蓮歌乍歇菱
唱未稀或槩弄綺波以采或網收丹尾而歸或絲泛瓦盆而戢戢
或腮穿弱柳而依依龜鬚膩兮雉紉滑巨口脰兮細鱗肥活翠釜
於廚孃春纖曾摘下鸞刀於庖子紅雪爭霏兼有薑芽作茱鹽鼓

爲儔金螯搗臼釵股盈甌汁雞膏而更爽飛霜縷以還稠觴捧雪
兒看桂醺之滿注飮抄雲子喜菰米之烝浮恍如箸落盤空心脾
絆解已覺手催匙急齒頰芬流憑將綠橘黃橙染笠澤一奩新漲
安得澹雲微日翦吳淞半幅清秋遂乃急辭朝請獨掣樊籠催裝
細雨挂席西風紫蔓凝簫溪循香水銀梭躍爵橋認垂虹天氣重
新鄉味入盤而更俊秋光未老衰顏映醕而彌紅僮父呼之仍笑
蒜筒不裹先生休矣免教鮒轍成空懿夫君子知幾達人安命玩
儉德避難之象辭脫小智自私之機筭鯢魴出入須嚴鷗鷺羣儕
可迎彼冒邢都督華亭鶴唳難聞被禍黃門雒涖鱗游徒咏何如
知前慮後守乾谷以保其年採藥飲流侶浮萍而遂其性也哉若
夫居扈離辟芷之邦結種蛤撈蝦之舍拋三春筍鰕之廚羈連歲
鹿獐之炙老饕談水族以生涎貧旅遇糟胥而問價等司馬之俗

遊厭漆園之愛，
聊述尊鱸雅話，好趁聯胡炊熟，攜兒女以餐腥，似聞欸乃歌傳，抱琴書而整駕。

湘江夜聞棹歌賦

淼淼清湘，迢迢暮山，風飄飄以輕颺，舟邐迤而滯還，市燈懸乎遠岸，漁火出於前灣，泃然一聲，起自何處，天際橫落，枕上微度，如觸往事，倏然來赴，又如夢中，驚悸而寤，推篷無人，山低江濶，翹首長空，惟懸明月，及乎迴聲，忽續，應乎棹節，漸稀微而見人，破空潑而振擎，抑揚流喝，嘔啞軋曳，短者不殺，長者不撤，柔則遲媚，急則奮傑，隨欸乃以容裔，促蕩激而悲咽，爾乃前謳未終，後歌至洊，若相招呼，又若遞嬗，遠近不謀，參差代轉，紛異詞而同工，恐競先而炫善，乍中斷而復興，雜前音而少變，旋倚岸而訝隱，出回汀而搖演。

少焉紛沓笑語倚楫偕止放乎中流江平如駛歌聲闐然續繞未
已芙蓉微開明鏡斂波月斜煙橫愁如之何其幽微縹緲空靈猶
夷則虞帝之無歸也其雍容恂悅畱聯關緩則二妃之不返也其
憤勃慷慨紫紆鬱陶則靈均之吟離騷也其激昂矯厲慄亮清激
則宋大夫之悲秋也其侘傺寂寥低徊綿紹則賈傅之賦鵬鳥也
是以孤臣聆之而悵惘逐客感之而怫喟動騷人之哀吟流別婦
之涕淚霧猿攀木以助啼宿鳥橫空而一逝蓋其音以勞傳調因
詞苦觸興成文隨時自舉體雜童謡情緣兒女俚而不哇怨而不
怒豈雲山之韶護借迷離於風雨本天籟之喁吁曾何知夫律呂
元道州瀧中之吟未能收劉賓客竹枝之詞無由譜也

男聲

有泰如幹

孫啓

豐校字沃

紫峴山人文集卷二

湘潭張九鉞慶西著

姪孫家棻重刊

雅頌

平回雅

并序

家棻謹案先生年譜平回雅不知代何人作今讀十三
章序稱非敢自比江漢常武之奏其卒章云酬庸策勛
即繼以臣何力焉之句其代大
將軍兆惠撰擬進賀自無疑義

皇上御極之二十四年神武維揚聲靈赫濯命將軍兆惠富德
等奉

機宜追勦逆回霍集占兄弟乘勝采入逆回窮蹙鼠竄至拔達
山汗素爾坦沙慕德畏威援旗請奮斬酋首函獻軍門籍
地內附自關門以西拓疆二萬餘里十月捷聞

京師先是準部蕩平版宇疆理跨躡朔漠左右薩克東西布

露特皆獻筐篚請臣僕

皇上既宥釐而噢咻之而逆回背

恩構釁助兇反噬

皇上有赫斯怒聲罪致討是時懦謀紛紛僉謂不可究武

皇上毅然念

天討之未伸

祖緒之未竟斷自

宸衷周于

廟算陣無不摧城無不下卒得罪人正

國討計濯征以來迄于旋歸不越五載蓋駿烈豐功若是之速

也捷至之日

皇上適躬祀

園巨宣捷受釐神人歡洽告

廟告

陵用申繼述之志恭逢

聖母萬壽嘉辰揚

慈暉錫

景福殊恩茂典更番稠疊羣臣仰戴

皇上駿業膚功登三咸五僉謂宜崇

尊號顯鑠萬世謹據典禮奉表以請

皇上謙讓未許於是溥海內外益仰見

聖主撻伐之苦心敬

天尊

祖功成而不居也

臣謹按書冊所載湯之誓師曰將天命明威又

曰尙克時忱武王之誓師曰夙夜祗懼受命文考又曰時哉不可失詩大明之七章頌武王之決曰上帝臨汝無貳乃心下武二章頌武王能續緒有天下曰世德作求永言配命成王之孚蓋古聖主不得已而用兵皆凜天命承祖志乾惕之心淵塞之神惟日不足貫乎終始故言出而天下信之功成而天下安之維

天篤佑於我

大清

太祖

太宗創定丕基

世祖撫有區寓武烈神功彪炳史冊

聖祖平三藩收臺灣三征朔漠底定西藏

世宗綏輯青海繼述相承師之所至

天順從之我

皇上續緒以來南平金川北定準部業至隆歟功至茂矣茲之
用兵回部理勢如之緒排築室之謀

宵旰焦勞日兢兢於

上天之明命

列祖之付畀精誠所結蔚爲謨猷遂使五年之內數萬里之遙不
挫一師不羈一旅四夷効力屬國敵愾成

祖宗百餘年未竟之緒拓古今數千年未綏之疆若運諸掌拾諸
芥至師行之地賑卹時聞軍興之饒不藉內郡威震絕域
而天下不知兵地包窮荒而百姓不知餉轉戰於語言不
通聲教不訖之國而險阻不足驚狙詐不足慮則又詩書

以來所絕無而僅有者雖

上天眷佑

宗社垂庇而

皇上所以

繼承而襲對之者何其盛歟臣伏讀

睿謨宣布灌耳飫目竊謂

皇上膺功之迅奏曰誠曰神曰幾而其要尤在於得幾易曰惟
幾也故能成天下之務又曰知幾其神乎書曰敕天之命
惟時惟幾幾之變不測而用無方行乎不得不行止乎不
得不止天所以周流四時提衡六幕者端在乎此

皇上順天時行知勢之必不可失時之必不可悞武力之必不
可懈不惑于浮言不謀于肉食不狃于近功不挫于小眚

赫然握金鏡轉璿璣風行而電掃之嚴以奮殺敵致果之
心迅以厲既勝將飢之氣寬以收四夷順軌戮力之貽惟
知幾而又貫之以誠運之以神是以天心助順人志同仇
優游廟廊之中決勝萬里之外信乎周子曰誠神幾曰聖
人惟三者合而後成此不世出之隆勛也上不揣舛陋謹
倣古錄寶紀事之義恭撰平回雅十三章詞俚意淺非敢
自比江漢常武之奏幸瞻

謨烈之昭垂觀

豐章之焜耀竊抒抃誠掄揚萬一惟

聖慈實垂訓焉其詞曰

於赫我

皇有耆其武金川旣平準部克舉疆理亭障至於漠野僅篚者

會豈凝者女卽順而柔悖義而刑有雨有風以耘以耨

于

天庥孰敢蹈不庭

右章章十四句

懟矣回會其兇有愜

皇釋其纍使歸而疆敢搆狂且爲羣鴟張

皇整厥師明明赫赫螳斧摧車風鶴喪魄不憬而悛狡焉負隅
昏闇卒狂用干靈誅

右章章十四句

皇曰汝惠專汝斧鉞翦茲鞠頑光我大罰惠揚

皇謨援桴整隊采入其阻扼亢搃臂矯矯我師疾首大慙誓殲

厥家以敵

王愷

右章章十二句

王師桓桓兩道疾驅歛騰波流碎軀破廬旣犁庫車旣收阿蘇
烏什和闐我宇我圖

皇居明堂單心萬里幾行風從如運之几匪安匪舒以報
天子

右章章十四句

藐爾花門脇于二兇

王師之來悉懌以懌

王師之來奉

天威德非藐是圖用去爾蝨賊苟洒以濯無予汝嚇
賜汝綏章

錫汝銜敕長爲

大清臣莫爾安宅

右章章十四句

二兇狼狙悍焉據巢我虎我貌傳于其壕九頭爲羣環而
噬嗥四百壯士截流以奔雷轟電駭斬其前軍豈繫不險
豈繫不繁

天助

皇順孰敢以猜

右章章十四句

戈壁谿谿旃旄透迤非勝而剋蓄銳乃馳孰覩我疲思怙
其兇惟神佑之因險成功驢駢萬馬自天而下夜斫賊營
歃地震野角蹙血蹂迺益怖驚迺挈重鎗大仆以北

右韋章十六句

葉爾闐闐哈什魁魁伯克來迎里門大開朱旗瑠戈入其
內郭撫其郊原收其稅租以我貝刀易其騰格以我冠裳
臨其壘幙

右韋章十二句

皇曰汝惠汝德毋懈以惠朕奉

天討罪人是得非利其土地用廣區冊或微其欲或窮其亢是震
是拔無亢無凶喪貝棄輜束其子婦爾游魂幾何敢稽天
陪

右韋章十四句

殺殺拔達山會曰坦沙與

大邦同仇忿入于牙非偵以誘絕其萌芽犄角遮要殲于厥

家神人稔怒首惡駢誅洞其腰脅函其頭顱毋辱葉街毋
污罽鼓假手以戕不膏我齊斧

右章章十六句

兇既殪矣曾亦乞降稽而伏蛾袒而牽羊

皇曰噢之毋究我威能助

天順寶孚宥釐回部既平拓二萬里亥步未周章測未紀回部既
平五年計曰我斧未破我錡未缺

右章章十六句

回部既平淑旗綏章以其版圖告功于

皇回部既平

皇心載甯惟幾乃迅惟斷乃成回部既平

天章克肅懷仁者庸背義者戮飲食非祓無誰以殲諸夷不知視

和草木

右章章十六句

天佑我

皇東鵠西鯨

皇讓不居

天

祖之澤

天佑我

皇版宇孔章

皇讓不居

聖母之慶

錫類

推仁酬庸策勛臣何力焉惟

皇聖神武功既崇文德攸宣保泰圖甯
宵旰乾乾鞏我

皇圖

大清萬萬年

右章章十八句

南巡頌 九章

天眷佑

聖皇式篤其祐

慈壽萬年永錫純嘏呼嵩遍地慶溢東南鳩嬰黃童跂望
鸞驂歲越敦牂爰奉

萱輿春水漸玉春花鳥呼火樹銀燈九河月洗謳歌

太平

慈顏有喜 其一

於赫

神謨西廓版宇篚篚轆轤原隰膺膺條支回鶻名王之豪赤帝
慈珩從於旌旄及其子弟奔走碣岸度索尋橦角觝曼衍
乾坤肅載遐邇則一食德服瞻視茲南國維

帝其庸之永奠爾宅

其二

鉤陳天開

華杠星扶行於二東遂至南吳車以和風旗以澍雨牛呵而耕
麥花於土旣除賦供亦蠲丁徭或給種稊或截漕艘煮海
之商負弩之役以汜以瀼以噓以植昔歲協洽越赤奮若

帝來錫類

愷澤磅礴重觀

天顏重暉

慈暉六年慰望歌

仁祝

釐更億萬斯年

懿壽無有期

其三

河水洋洋洪湖湯湯

聖皇蒞止造舟爲梁懷柔百神薦璧沈珪爰

咨重臣

親授機宜滾壩安瀾高隄有巖碧鏡長菱如虹如蜺乃疏清口
清口廣止乃濬六河六河暢止及彼毛城堵洩當止秋有
盤稻春有魚租維

聖皇經營以安以紆

其四

帝觀於海其旂魚魚海若秉笏日月旋樞

帝巡於塘其輿安安望彼困潏尖山塔山乃

召岳牧來相來度孰石以撻孰輦以築

德協重潤不震不驚如岡如墉永觀厥成沛沛麥禾芄芃桑麻

維

帝之恩莫於有家 其五

帝曰咨汝岳朕巡是南邦求瘼求甯陳詩觀風靖共爾位以作
以庸孰爲邦師揚揚揄揄孰爲邦丞爬之梳之

帳殿有供山屏松藩昭質敦本毋侈靡觀飭汝簠簋慎汝緯
繡俗厚民安則余一人乃懌 其六

帝曰汝耆耆實舊百揆及汝休沐維王國使汝迎而來用錫汝
祉皤皤黃髮汝栗汝帛藹藹吉人汝簪汝紱言廣泮水烝
我髦士下逮闔扉雞竿曉起眾拜稽首

天子萬年如江如海

福履縣縣眾拜稽首

天子萬壽長奉

璇闈以承

天祐其七

帝在東南風日清美水有蘭蘅岸有桃李

帝乘錦舟蒼龍夾趨黃鸝在花銀鱗躍湖彼笠者農彼桑者婦
或舞或歌其鼓弗考

帝心載愉來歌矢音

睿藻

宸章續耀雲林摩崖委宛刻珉硯石璧合珠聯垂天地無極其八

萬姓攀留

帝曰旋歸杏壇展祀言觀其旂其旂翩翩至於汶水

鳳帽徐行錦纜安止藹藹花香悠悠棹歌賈舫不驚祥風不波
聖母顧之既悅且豫

帝承色笑先迎於潞鉤鈐載明玉燭載調五雲捧興南薰叶簫

寶璽器車赤麟紫凰金甌永縣

璇算無疆小臣作頌敬紀嘉祥其九

男聲有泰
如幹裕
孫啓宇
豐校字
沃

紫峴山人文集卷三

湘潭張九鉞度西著

姪孫家斌重刊

騷

九憶并序

九憶者張子官滇昌時臺嶺懷古作也嶺有新舊二路
自秦漢六代至唐初所由路曰舊關張文獻公開新路
於東曰新關張子數以公事東西往來緬懷古蹟觸地
生感勞者思謳迺以楚音作歌辭九章自遺解組後飢
驅南北稿旋散佚晚歲屏居家園排比成篇名曰九憶
首臺侯紀關始也次陸大夫美出入使命也次終大夫
憫函節事也次樓船將軍楊歷巖駐師地也次大庾將
軍種梅名嶺始也次曲江相公頌開新路及昌道種松

續也次廬祖歎擲鉢事也次洗夫人表戰功祠祀也而
以宋英州司馬女補種紅梅韻事終焉簡節短奏知與
騷人遺音甚遠深院孤燈閒階敗籜擊節浩歌恍置身
梅雲松雨間亦足發并州故鄉之感云爾非如夏統作
土風三章以寓不願仕洛欲歸意也

亘青天兮壇壘割區陬兮立關配長城兮朔方限瀛海兮南環轡
五管兮概百蠻振臂呼兮江湖纒連驅刑徒兮作壘聚雁戶兮成
市古木鬱兮交尻厓閭臺綿兮隔羲皇鳴鼓角兮白雲飛風蕭蕭
兮下瀟水紛總總兮神出遊望不見兮眾則憂煙蒙茸兮紫旃靄
虛無兮絳騶山香兮泉春花濃兮石秋尋舊基兮則劣我馬瘠兮
愁陟懸鉞紐兮斷續淒寒瘴兮凜冽麋廬近兮虎豹迹艸冥冥兮
連西極桂林略兮象郡開羸擇肉兮佗攫之斬荆棘兮固藩籬矢

不適兮侯惠威寧仙茅兮代脯酌醴醑兮作醑花竿嫺兮神靈雨
嗟侯兮鑒吾延佇右陸侯

桐嶺兮榕碧柚黃兮楓赤霜不彫兮霞爛熳巢翠鳥兮栖白鵲昔
大夫兮錦覆之山魚爛兮秦滅鹿歸兮漢熾佗驕兮蚶蜃窟不耀
兮兵武誰利兮疆土豁大度兮包舉建天節兮指斗杓啓翼戶兮
飄星旄命江神兮揚颿使祝融兮扶輶踏南溟兮鯨鼈紛海若兮
遁逃飾口辯兮德信傾肝膽兮恭脊恥睢龍兮債師鄙騫蒙兮開
翼桂蠹兮鮫魚陸南琛兮貝珠腰寶劍兮囊金日南花兮載車翩
翩兮旄旗大夫歸兮騎斑駁一至今臺築肅朝天兮冠服再至今
樓建標越華兮游讌嘉使命兮不辱千秋兮誰繼芳躅右陸大夫
紅冰礪兮石怒坳猗猗鳴兮木起立生不封侯兮死無廟食念大
夫兮心惻蘭何爲兮雪霜桂何爲兮斧斤梟鴟兮制鸞鳳螻蟻兮

穴巨鱗棄繻兮何雄辨颺兮何慧既瞽毫兮承明取青紫兮拾芥
恃躁進兮圖功蹈小夫兮淺智彼漢皇兮思啓疆襲人國兮謀不
臧挾淫夫兮媒老婦納陷穽兮死扞振蹈後人兮譏呵比盧狗兮
遇喉嗟天師兮破嶺獲嘉首兮繫羌頸豈悲魂兮銜長纓報國兮
氣猶猛爲神童兮爲鬼雄身雖殉兮名則崇遇函節兮舊封哀經
生兮不考終右終大夫

白雲漫兮桃花深風泉交兮不辨何音緣溪流兮前尋若有旌旗
兮巖之陰思巖名兮然疑聞樓船兮駐茲無祠兮又無碑聽鐘魚
兮淒其統雄師兮越嶺揚戈鋌兮震雷霆列部伍兮平沙滅朝食
兮氣先猛萬人城兮手摧斬石門兮尋阨關鋒無對兮蠻悲號血
戰功兮首推維仁暴兮不同獨伏波兮酬庸胡讓詢兮忍尤改威
名兮不終雷殷殷兮猿嘯日冥冥兮鴟叫石龍鎖杻兮碣中何鱗

鬣兮騰越東甌行兮踰躡朝鮮事兮又廢格事英主兮小心獨不
見兮衛霍嗟將軍兮猶若生山川開闢兮畱茲名

右樓船將軍

儵誰變兮荒山蟠丹梯兮繡關梅花國兮分以封不夜城兮繚其
閒彼將軍兮大庾藝花兮若圃撰太古兮芳華蒸祝融兮土宇穿
虬根兮連跗緣蠶叢兮接武蠻方平兮塞清主帥儼兮東征托守
妮兮安閒聊相羊兮將迎北枝凍兮南枝靈翠禽告以東風至學
夭桃兮苞含先緋杏兮姿媚霞烘天兮霏霏豔一軍兮錦衣兄及
弟兮怡忘歸將軍宴兮花之阿紫矧瑜兮幔羅繁英映兮朱顏酡
豔星眸兮揚黛娥吹堦麓兮調和鹿胎茵兮蹴鸞韉舞長袖兮宛
轉歌美人兮不來雲窗霧閣兮誰粧臺山便娟兮冶容花嫣然兮
笑腮玫瑰簪兮虎魄釵插豐髻兮各鬪猜紺霜兮忽溫絳雪兮猶
堆訪姮娥兮嶂空問二仙兮壇灰眾穢盛兮掩孤芳夫孰知兮余

之徘徊

右大庾將軍

望相公兮何峯排闥闥兮蟠長松旗丹虬兮蕭蒼龍鏘笙竽兮匏
鼓鐘攀銀河兮酌神漿吸海水兮洗鴻濛仙大導余兮安行仰叢
祠兮雲中躋余屨兮層梯肅余冠兮崇階秋風飛兮翠濤雨香濛
濛兮出其戶瞻丰慶兮垂紳驗石痕兮運斤提日月兮中原鑿混
沌兮暑門虹爲車兮嵐爲馬來班班兮去衙衙開文敎兮南荒徧
謳歌兮寰寓綰轂口兮燕吳貢梯航兮上都罄歲月兮古今誰禁
兮犀象與明珠遵涂軌兮愉悅撫韞砢兮怫鬱貫霜雪兮貞心挺
乾坤兮直節將奏績兮治平豈經營兮達達胡金鑑兮塵蒙甘浮
雲兮障靡委梁棟兮巖阿盈廟堂兮榛叢困蜀道兮艱難始流涕
兮思忠吟翠鳥兮孤鴻嗟感遇兮焉容

右曲江相公

獨飛錫兮乘雲千夫追兮若不聞望嶺門兮寂寂鉢不見兮見石

一葉兮三花橫枝出兮恆沙爾妙諦兮風旛流曹溪兮南華嗟一
擲兮大力雄掃因緣兮無遮貪嗔癡兮佛戒五蘊空兮芥蒂胡瓦
鐵兮區區初地造兮機械豈震旦兮人心猜忌殊兮彼界蟒何爲
兮纏身鵠何爲兮巢頂羌不知兮曇摩獨智燈兮記領懷傳衣兮
西來求法嗣兮中境南北宗兮競起揮白刃兮不死祖庭兮何爲
法器兮自茲止吾獨嘉乎慎璉焚龍腦兮了大旨欽吾道兮日中
千聖百王兮一宗歎講學兮先儒亦伐異兮黨同嗟予小子兮驚
庸抱遺編兮心懔懔泉深深兮日夜流梅花兮分下宗寶兮非予
參聊靜觀兮大化

右盧祖

召豪酋兮伐鼓提孤兒兮躍馬貫吾矢兮天狼洞吾戈兮長鯨鑿
始興兮會贛石爲英雄兮清嶺城願紇顛兮仕遷殪脫錮釭兮易
巾幘懸金印兮石龍安車繡幃兮雍容吾老婦兮何功訓于孫兮

世忠嗟荒淫兮阽危陳祚兮易隋厥賜物兮中庭獨博腐兮悲摧
縱異代兮藩臣非吾心兮所希栢欄楹兮荆宇艾蒺藜兮薜荔堵
山鬼呼兮夜燈吐遺小祠兮松之下春晨兮秋夕女巫兮壺嫫嫫
搖叢釵兮彩衣帕跳鼓角兮舞鉦笛憫千秋兮戰地感歌謳兮哀
思鼉吾珠江兮錦繖暮吾橫浦兮穀騎香氤氲兮牲備脯蕉櫬兮
醕桂莅於壇兮降慈惠雲黔黔兮狺啾啾山風撼兮捲吾旌旂思
故國兮涕愴愴漬之水兮不可以北流

右洗夫人

有女郎兮停香車腰綺裙兮韞絳紗青笠兮髻了督僕婢兮如麻
揮金鷄兮帶玉把鋤新月兮點鮮霞返卜閣兮何時遍芳根兮舊
滋了名區兮夙因補古蹟兮南枝縱題壁兮畱貽隱姓字兮世不
知對東皇兮無語問歲華兮孰主來絳雲兮去紅雨前文雀兮後
翠羽豈英媛兮花之靈澹風姿兮慧性情厭攀折兮驛使陋入夢

兮書生施藻續兮沈寥葆貞操兮幽清乘鸞輿兮出嫁經嶺門兮
舊舍羣芳續紛兮來迎映流蘇兮相亞佩環搖兮泉悄弓屨步兮
蘇小倚脩竹兮徘徊撫蒼松兮窈窕煙濃濃兮如愁日英英兮欲
笑迦葉示兮微塵雪泥印兮鴻爪豔事兮難再得空惆悵兮芳艸
吾欲葺兮小祠繚之兮芷離白玉堂兮瑤階文杏梁兮芝楣貫珊
瑚兮爲簾編翡翠兮作帷靈之來兮渺何許花開落兮自終古
右
英州司馬女

哀些篇

效騷體并序

哀些篇爲輓嫂石太恭人作也太恭人歿於姪顧堂司
馬海防署中海內學士大夫爭致輓誄盈箱累牘而無
騷體余乃製是篇首以太恭人就養之所托興稍變靈
均招魂四方上下之體焉並自記於後其詞曰

靈兮歸來東海母久羈些島嶼巉嵒虎豹悲淒些長鯨連山噴波

鬼蜮些海童婦魚其髮鬢鬢些祖州仙艸枯以萎些青琳之居望

而不見端倪些靈兮歸來悟遠廬些自注下靈兮歸來越州母再

涉些沃洲天姥歛峯積雪些娥江層冰高而削另些玉樹彫殘禹

糧荒竭些采葛之歌聞而心惻些靈兮歸來思怡悅些下招靈兮

歸來鹽官母再游些鷹窠朔風吁嗥轉無所休些會骸廟荒鬼伯

愁些金雞歎喈白雞呶囀些傾脂河涸成陵邱些粧臺仙螺不可

採爲羞些靈兮歸來等蜉蝣些下招靈兮歸來當湖母再行些弄

珠之樓悄怳不可登些蜃市罔物難憑陵些蒲山齊山谿谷峻嶒

些哀猿悲狖龍湫號鳴些秦女祠荒義婦堰傾些謳思哀感母滯

黎氓些二語貫四段靈兮歸來就揚舲些下招四段靈兮歸來

遵江流些湖大長帆大舳木蘭舟些雕櫺珠網四角幡毵些素旒

前颺後朱旂些文禽戲鏡翠鳥立樓些

鳳詔穆穠被於玉蚪些五雲覆護光油油些金焦砥平九華連扶
些鱗鯨拜舞淵客前驅些揚鑣喧鉦鼓吹嘔啞些靈兮乘輶行夷
猶些靈兮歸來入楚鄉些楚人神女贈風蒲翼徐張些黃鵠招搖其
羽九英些江妃漢妹各炫珠裳些命彼嫋娥導牙檣些奠其瓊羞
餽糜粳些龍姬邀宴貝闕鱗堂些曰湘賢母無稽餘腥些靈兮凌
波樂徜徉些靈兮歸來識湘之村些湘橘洲楓浦錦斑爛些左漣
右涓榜溯以沿些屏障碧岫嶽列其前些錦溪練塘交迴環些有
苗有蘭坻有荃些貞桑勁松森而綿芊些沃疇廣阿黍稌蕃些鳥
嚶嚶鳴魚躍淵些靈兮懽愉經營多年些靈兮歸來人家堂些人
崇廊脩榭輝朝陽些

宸章仰瞻爛有光些

驚迴綾軸文檀裝些青瑤鐫詞懸楣之中央些禕衣畫荻燦連箱
些銀鬕翠管列於楹些翟黼魚軒幘帷輝煌些朱幡蠶戟羅兩廂
些組纓來迎班其成行些經堂歷輿行爾室些室入槐柳無塵屏几
列些蒿簪升服練帶元鳥些軒車機杼靜脩飾些松燈籀篆挂東
壁些初管泉麻有阿錫些盤匱堆案紀內則些昔之紅淚蒸五色
些慈烏化鸞聲和以嚶些靈兮安居祥威集些不板有仙侍女來
駕斑龍些侍脩眉靡顏嬌態正容些太華之嶽盛鬋同些珠袍瑤
珮不驚風些黃金褱襦新鮮溶些齊捧綵笈降於房櫳些鋪張室中所有
廣庭邃閣有奇薰些香蕙楊玉鎖疏石蘭芬些杜蘅香蓀比塗門
些揭車畱夷爭九真些金猊寶鴨吞吐二雲些百合之煙襲裾巾
些角櫟盤旋日返魂些團砌叢薄植異卉些花富媼瓊華其蒸鬢
鬢些鼠姑燦葩圍金帶些儷墨簷蔔玉藥鬋鬋些薔薇之露金粟

杜些移來當腹點木綴些蘭蓀綠波雜芙蓉些九畹仙子紛其來
容為些雕胡之餅炊滑玉些餼糕以雍梁雲杭沃些青精白粲雜
陳不可辨屬些綠瓊之酥雜醪醑些酒蒲桃醖盎和潭菊些酌以
彫觴馥穠郁些麟脯鳳胎降吳門些湯果餌猩唇雞跖鄙而不
陳些金蟠玉鱸澹以醇些膳祖調和嗤龍根些紅肌鏤雪霜鐫露
銀些雉尾龜鬚茁萼湖些實果蓮實的爍有柔其膚些雁啄勻圓咩
吐珠些中堦鬪雪賽天花菇些洞庭之橘大如瓠些藥山霜柑偕
陵進盃些牢丸薄夜英粉勻些櫻筍饌饌紛其輔樽些靈妃絃瑟
侍鬢歌些樂音使鮫人曳綃珠磊砢些翟璜紫塵舞婆娑些魏夫人
笙聯涓叶以雲和些湘陰擊磬音飄紫霞些朱唇吐萼颺回波些
琅璈昆金縣邈不可以睇眄些潛蛟出游文鯉躍沙些磨屑豹髓
蛭膏未科些燈燭雁足倒挂盤金荷些真仙遊戲紛葳蕤其紫羅些

神光離合樂未央些總東恍兮忽兮難臚詳些召靈氛占之曰下

大荒些山川遼迢無阻以妨些靈兮歸來有幽宮些必說周匝襟

青屏碧鬱葱葱些繭室斧屋溫和風些衡之嶽嶽湘融融些利其

後人澤大且豐些杖經繩履俄銅虎竹符些五馬驂驪儼捧板輿

些仍用法彤管瑤編若若纍纍些耀於其閒翠軸

鸞書些平反遺訓懸庭隅些萬民琛香思奉起居些五鼎之陳仍

白華些兩行命婦銷珎琚些音容匪遙進盤匱些孫枝翦絕各襲

錦衣些重疊

綸音增萊娛些繁戟幢麾被井墟些汗漫詭譎其言若卮些收前

歸於徵實質而無所私些收後靈兮歸來毋齎咨些收仍歸招

篇首變離騷下招之體從恭人就養之所托興雄奇鬱律悲

風四起光怪不可逼視一篇爭奇制勝在此後挨次鋪敘追

琢各有騷法雖長篇卻不散漫頗盡法律山人自記

紫峴山人文集卷三

京些篇

八

男聲有泰
如幹裕
孫啓豐
字校生